



UNIVERSITÄTS-
BIBLIOTHEK
PADERBORN

Epistolæ Præpositorum Generalium Ad Patres Et Fratres Societatis Jesu

Oliverius, Horatius

Pragae, 1711

III. R. P. N. Jacobi Laines Præpos: Gen: II. ad PP. & FF. qui sunt in India. An.
1558. 12. Dec. De magnitudine Suscepti operis, & conservandi Spiritûs in
ea Missione

Nutzungsbedingungen

[urn:nbn:de:hbz:466:1-55386](https://nbn-resolving.org/urn:nbn:de:hbz:466:1-55386)

Præpositorum Generalium Soc. JESU

III.

R. P. N.

JACOBI LAINES

Præpositi Generalis Secundi,
Unica.Ad Patres & Fratres Soc. JESU
qui sunt in India.

Anno 1558. 12. Decemb.

*De magnitudine suscepti operis,
& conservatione spiritus in illa
Missione.*

Gratia & pax Christi Domini sit
semper in animabus nostris.
Amen.

*Europæi
precibus
juventin-
dicas Mis-
siones.*

1. **E**T si minus necessarium videbatur ad
vos peculiariter scribere, (carissi-
mi in Christo Fratres) cum sæpi-
us ad Superiores de rebus necessariis litte-
ras demus; quæ autem ad ædificationem
& consolationem Nostrorum faciunt, com-
munibus litteris mittantur è Lusitania; vo-
biscum

biscum tamen per hasce litteras nunc temporis colloqui volui; méque ipsum consolari, in signum amoris erga vos mei: quippe quos omnes in corde, ipsaque anima inscriptos ac penitùs impresos gesto; & quorum caussa omnibus nostris injunxi, ut quotidie specialem quamdam orationem faciant, nec modò in Domo Professâ & Collegio Romano, verùm etiam ubicumq; Societas habet in Europa domicilium, oratione & intercessione multorũ simul animo unitorũ, divina & sumã bonitas dignetur vos servos magis ac magis perficere, & aptiora simul utilioraque reddere instrumenta divinæ suæ misericordiæ, ac providentiæ ad conversionẽ tot animarũ è tenebris infidelitatis & peccati, in lucem agnitionis, amoris, & libertatis filiorũ Dei; atque ad eas totã curã juvandas, in hac difficili & plus satis impedita sui servitii via; ut per eam tuto incedentes, ad ultimum & felicissimum finem, sempiternam scilicet beatitatem, ad quam fruendam cùm creatæ tum redemptæ à Christo Domino sunt, possint feliciter pervenire.

2. Magno eos beneficio, & insigni favore (Fratres carissimi) afficit divina bonitas, quos in hanc suam minimam Societatem, à sæculi vanitate vocatos, novã imperit gratiã juxta ejusdem Institutum incedendi.

Momentum Indicæ Missionis.

dendi. Verumtamen, multo peculiari & in
donum accipiunt, quibus tam bona fors ob
tigit, ut isthic in excolendo novali Domini
elaborent; sive magnitudinem & momen
tum suscepti operis consideres, sive ope
rariorum in tam sublime opus incumben
tium prerogativam, & non minimam di
gnitatem.

*Quantum
sit, Ethni-
cos con-
vertere.*

3. Et momentum quidem suscepti o
peris quantum sit, liquidò constat: agitur
enim non solum conservatio, & auxilium
Christianorum, qui cum fide sint illustrati
sua salutis & initium & pignus jam accepe
runt (in quod ipsum nos hic etiam collima
mus) verum & aliorum multorum, qui ad
huc ceu vilia mancipia sathanæ serviunt, &
cum eo filii sunt iræ ac perditionis, vindica
tio in statum sanctæ veræque libertatis, &
adoptionis filiorum Dei, coheredum Chri
sti Domini Nostri in cælesti regno, & sem
piternâ felicitate.

*In hac
Missione
multa a-
genda, &
ferenda.*

4. Qualis autem & quanta sit opera
riorum prerogativa, hinc intelligitur, quod
vobis peculiari quodam modo concessum
est, non solum multa bona, Deo favente,
præstare, sed etiam mala plurima, eodem
juvante, pati; & neque paucos neque par
vos labores Christi Redemptoris Nostri a
more tolerare: ad hæc, præter ingenium,
& in-

& industriam, vitam quoque ipsam continuis periculis ejus causâ speciali quadam divinæ caritatis ratione prodigere, & mulantes in tam sancti charismatis exercitio & merito, ipsos sanctos Apostolos & Discipulos, quorum vestigiis insilitis, portantes nomen ejus coram gentibus, parati vivere ac mori ad gloriam divinæ Majestatis, & salutem animarum, quas ille tanto amore dilexit, tantoque pretio æstimavit.

5. Et quamquam ea caritas, quâ vos diligimus, invidiæ obnoxia neque sit, neque possit esse; multos nihilominus hîc ardens tenet desiderium participandi vobiscum tantæ Missionis laborem. Et sanè si eis ea fieret gratia, multos brevè socios in suscepto opere haberetis: verùm enim verò mittentur à nobis suo tempore, quotquot Deo libuerit in finem deligere, ità tamen ut non pauci supersint ejusdem gloriæ cupidi.

6. Verùm hoc possum asseverare (Fratres carissimi) magnam isthic habere vos solidarum virtutum & perfectæ vitæ confectionis obligationem. Mihi enim dubium omnino non est, propè infinitas occasiones, & materiam tantùm non continuam offerri vobis, ad virtutes tamquam aurum in fornace, ità examinandas & purgandas

C 5

igne

Socîi operis promittuntur.

Quanta virtus in hac Missionis necessaria?

igne laboris & tribulationis, nec non praesentia divina, quae ad eos qui tot anxietate sui nominis causa patiuntur conversa, solum tantò majori copia divinas consolationes accipere, quantò major est humanarum inopie. Quod verò ad illud attinet, quò vestri labores respiciunt in conversione & conservatione multarum animarum, tantò utiliora efficacioraque instrumenta divinae manus potentiae eritis, quantò majori cum puritate, humilitate, obedientia, patientia, & caritate, patiimini vos ab ea possideri, duci, & gubernari. Id porro persuasum vobis esse debet, non modò socios, verùm etiam externos, intentis in vos esse oculis, quibus omnibus non consolationi dumtaxat, sed auxilio etiam esse debetis, ut omnes magis accendamus, & crescamus in divino obsequio, cum vestrae virtutis typo, sanctique laboris, quem Christi causa subitis, exemplo.

*Spiritus
ita roborandus, ut
corpus non
succumbat.*

7. Præterea (Fratres carissimi) quamquam zelo divinae gloriae, & siti salutis animarum, debeatis semper crescere interius, & foris mente conceptum ardorem patefacere operibus caritatis & misericordiae erga proximos; nihilominus in fatigando atque afflicto corpore, nè videlicet opprimatur, certae mensurae ratio servanda; & bilancis æquum examen tenendum est; &

ad

ad conservationem spiritûs aliquid tempo-
ris pia sollicitudine expendendum. Et
quandoquidem vos ipsos Deo Creatori ac
Domino nostro tamquam hostias vivas ob-
tulistis, ut totum id quod in vobis est, im-
pendatis in ea quæ ipsius attingunt serviti-
um & gloriam, auxiliûmque animarum;
mementote sic ea facienda, ut & corpus
diu ferre possit laboris molestiam, non omif-
sâ curâ sanitatis, viriûmque necessariarum;
& anima sui ipsius oblita non dormitet in iis
quæ sua sunt, ut ad ea quæ aliorum sunt,
plûs satis attendat: quando nequidquam u-
niversum mundum lucratur, qui animæ suæ
detrimentum patitur, juxta ea quæ asseruit
Christus Dominus noster. Ipsa porrò quo
majorem faciet in virtute & perfectione
progressum, tanto aptior ad auxilium alia-
rum futura est.

8. Eam ob rem, valde cautè ambulan-
dum vobis est in medio nationis pravæ at-
que perversæ, ut omnem puritatem in ea
conservetis: & quantò plûs deest de septis
domesticis, vigilantia Superiorum, ordine,
ac regulis Societatis (quæ omnia exactè ser-
vari à vobis nequeunt) tanto majori cura &
sollicitudine supplendum sancto timore &
amore Dei, diligenti observatione votorum
substantialium, & ceterorum omnium, quæ

*Media in-
ter Ethni-
cos illiba-
tè viven-
di.*

In-

Instituti nostri cum sint, commodè observare poteritis: necnon aliqua recollectione quæ quotidie facienda est per orationem examen conscientiaë & rationis conversationem cum proximo. Si tamen ita obruamini occupationibus, ut per eas nullus relinquatur locus attentioni quotidianæ, tempore ad præscripto; potestis nihilominus leviori negotiorum interruptione, spatiolum aliquod sumere; & frequenti memoria Dei, atque mentis ad eundem elevatione, quamvis brevi, supplere continuationem exercitiorum, quæ solent fieri quando commodè ceter per necessitatem proximorum.

Necessaria Recollectio, & jugis cum Superiore communicatio.

9. Porrò unum illud est necessarium cogitare, cum tanta occupationum turbando nihilominus quotannis aliquot diebus longè à vobis positi, atque ad conversationem & conservationem Christianorum attentis possitis vos colligere, vobis attendere, renovare spiritum, animum confirmare & vestrae conversationis rationem attentionis acie considerare, si fortè aliqua in re profici queat, ad vestrum majus bonum, & augmentum divinae gloriae, communicando quidquid commodè potest cum Superioribus, ipsisque obediendo cum quanta maxima fieri poterit perfectione. Hoc enim pacto vos totos tradetis divinae sapientiaë, in
san-

sanctissimo ejus obsequio dirigendos, ut certus sum vos facere, & suavem paternamque in vestris rebus providentiam experiri. Quapropter totâ mente supplico infinitæ illi ac summæ bontati, ut eam continuò sentiatis, vestrumque omnium peculiari protectione curam habeat; vobisque sanctam suam impertiat benedictionem, cum qua in virtute crescatis, numero, & fructu sui sancti servitii, & omnibus ubicumque gentium constitutis suam gratiam largiatur, ut semper agnoscatis impleatisque sanctissimam ipsius voluntatem. Vestris ad Deum precibus me valdè commendo, cum omnibus qui hîc sunt Fratibus. Romæ 12. Decembris, 1558.

Servus in Christo

JACOBUS LAINES.

EPI.